

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

LXXIIX.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

apud nos exhibita. Agnosco certe ea non tanta, qualia te decuissent, & quæ animo parato & prompto, si quidem facultas mihi fuisset, libenter exhibuissem: Hoc tamen addo, vitam & vires meas, tuas, inque servitium tuum paratissimas. Gavissus sanè mihi fui supra modum, nec non Ecclesiæ Christi gratulatus, propter hanc oblatam gratissimam occasionem, videndi te, & tecum, Domino, amico & fratre veteri, de rebus privatis & publicis coram copiosius conferendi. Non minus gratum mihi fuit, ex tuis cognoscere, delectasse te, tam Ecclesiæ quam Scholæ nostræ rationes: & pio tuo voto etiam meum adjungo, oroque Deum, æternum patrem Domini & liberatoris nostri Jesu Christi, ut tuis & meis laboribus, quos sustinemus, clementer etiam deinceps benedicat.

Præfationem libri tui legam diligenter, & cogitationes meas (quemadmodum petis) consignatas, propediem liberè ad te mittam.

Reverendo Conventui tam Ecclesiastico quam Scholastico vestro, & in utroque clarissimis & Reverendis Viris, Dominis, amicis & in Christo fratribus dilectissimis, pro sancta & pia imprecatione, nec non pro amicissima & gratissima salute, ago ego una cum omnibus collegis meis, officiose & reverenter gratias: Meque & universum ministerium meum, Tibi, nec non omnibus & singulis Collegis tuis, ea, qua possum, fide & candore commendo maximè. Scripsi heri ad D. Flinnerum, per tabellarium Augustanum, is meo nomine tecum conferret, propter liberorum meorum Pædagogum, adolescentem pium, morigerum, & ingeniosum: Te rogo ut hac in parte, si fieri potest, mei rationem habeas. Inter varia quæ tecum contuli, mihi hæc intercessio pro eodem excidit. Bene & feliciter vale, anima & corpore sanus & salvus, in Christo Jesu, communi salvatore nostro, cum privata & publica Ecclesia tua. Et costam tuam, matronam honestissimam, meo & uxoris meæ nomine plus millies saluta. Raptim post concionem meam, ipso die Evangelistæ Lucæ, Anno 71, Ulmæ.

R. D. T. studiosissimus

Lud. Rabus, D.

LXXIIX.

*Salutem in Christo. Reverende & Clarissime Vir.*

Quantum intellexi, tibi consignatio Colloquii nostri Laurentiani est exhibitam quam cupio tibi satisfacere, cum propter Ecclesiam, tum etiam tuam personam

nam. Et per Christum te oro, ut veritati cedas. Nullo enim prætextu tua opinio regi apud eruditos potest, multò minus defendi. Nec habiturus es, crede mihi, ullum patronum. Optimi enim amici tui phrasas tuas excusant, sed errorem nunquam defendendum suscipiunt. Voluntatem enim, quæ non est qualitas in anima hominis, sed pars essentia ejus substantialis, prorsus peremptam & abolitam esse, nemo hominum tibi concedit. Sin verò de potentia loqueris, qua ex se potest velle bonum, omnes consentimus, hanc potentiam prorsus extinctam esse in rebus spiritualibus. Quare ut audias D. Marbachium & reliquos fratres, te per Christum Jesum oro & obtestor. Quod nisi feceris, te & in hac & futura vita poenitebit. Bene & feliciter vale. Ut admonitionem hanc, ex corde sincero & veritatis amantem profectam, quæso non contempnas. Iterum vale. Raptim Eslingæ, 25. Octobris, 1571.

Jacobus Andrea

*Inscriptio.*

*Reverendo, Clarissimo ac doctissimo Viro, D. Matthia Flacio  
Illyrico, amico & fratri.*



LXXIX.

**S** De Pappi successu apud nos coram ex ipso cognosces; curavimus, ut quantum fieri potuit, citissime expediretur, quo posset maturius vobis restitui. Interim gratissima fuit mihi ejus conversatio, ob singularem modestiam, sincerum incorruptumque circa religionem judicium, & pientissimum Zelum pro DEI domo, ut sperem, eximium organum fore, & salubre gregi Christi, & tibi nutritio filium, degeneri illi dissimilimum; & quia Dominus corpus illi commode valens firmumque concessit, operam copiosam & diuturnam præstirurum. Utinam sicut probata nobis ejus virtus fuit, sic nostram erga ipsum benevolentiam potuissem facere testatam. De filiis tuis consilium pientissimum cognovi & expedire videtur Scholæ vestræ & Ecclesiæ, ut eos potius habeat in cathedris sacris Doctores, quorum perspecta sit fides, quam ut ignotis imponantur manus; ac Collegæ meo Coccio, mihi que nihil minus desit, quam suprema eos laurea coronandi exprompta voluntas, quod pro nostra erga te, virum Dei, dilectione observantiaque merita, gratum facere cuperemus, & quia id ipsum scholæ nobisq; foret honorificum. Sed obstant primum ordinis nostri Leges, quæ ad Doctoratus insignia requirunt quinquennii, assumpto Magisterii gradu, completionem; deinde ætatem ad minus triginta annorum, idque stricte admodum; quo factum, ut à fundata inde Academia, non nisi graves ætate usuque viri hic promoti inveniantur. Poterat autem per dispensa-

Ddd 3

tio-